



Broj predmeta: 13-001723/23
Broj akta: 01.1-1528ZN-0044/23
Datum, 4. 10. 2023.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH»), broj: 27/23 - prečišćen tekst,) i čl. 70 stav (4) Zakona o javnim nabavkama („Službeni glasnik BiH brojevi: 39/14 i 59/22), a u skladu s članom 69. stav (2) tačka a) i člana 69 stav (3) Zakona o javnim nabavkama («Službeni glasnik BiH», brojevi: 39/14 i 59/22), člana 24. stav (3) Instrukcije o organizaciji i internom postupanju u postupcima javnih nabavki u Brčko distriktu BiH broj:02-000209/22 od 18.1.2023. godine („Službeni glasnik Brčko distrikta BiH broj: 3/2023) i Zapisnika o pregledu i ocjeni ponuda broj: 13-001723/23 od 20.9.2023. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se otvoreni postupak, međunarodni vrijednosni razred, za nabavku radova za lotove 7,11,21, i 24 i otkazuje se postupak za Lot 23 iz provedenog postupka nabavke radova na izgradnji i rekonstrukciji puteva, ulica i trotoara na području Brčko distrikta BiH -3/2023 za potrebe Odjeljenja za javne poslove Vlade Brčko distrikta BiH koji je pokrenut na osnovu Odluke o pokretanju postupka javne nabavke broj: 13-001723/23 od 7.7.2023. godine, Obavještenja o nabavci na portalu javnih nabavki broj: 1157-1-3-236-3-418/23 od 11.7.2023. godine, predmjera radova u vezi sa Tenderskom dokumentacijom broj: 13-001723/23 i to za:

- Lot 7 - Rekonstrukcija puta na k.č. 763 u MZ Gornji Brezik**
- Lot 11- Izgradnja puta Dolovi – Zlatići u MZ Maoča**
- Lot 21- Nastavak rekonstrukcije puta prema lovačkoj kući MZ Dubrave**
- Lot 24- Izgradnja kraka ulice Frana Mažuranića**

iz razloga što nije dostavljena nijedna ponuda u određenom krajnjem roku, što prema čl. 69. stav (2) tačka a) Zakona o javnim nabavkama predstavlja osnov za poništenje postupka javne nabavke.

Za **Lot 23- Izgradnja kraka oborinskog kolektora u MZ Grčica – Dizdaruša** se otkazuje prema članu 69 stav (3) Zakona o javnim nabavkama iz drugih dokazanih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Образложење

Komisija za nabavke je nakon izvršenog otvaranja ponuda konstatovala da je dostavljeno osam ponuda, sljedećih ponuđača: „Santovac“ d.o.o. Brčko, „Cest-Ing“ d.o.o. Brčko, „Bijeljina put“ d.o.o. Bijeljina, „Balegem“ d.o.o. Gradačac, „Arapovac putevi“ d.o.o. Čelić, „Eko prom“ d.o.o. Brčko, „Gradnja cop“ d.o.o. Brčko i „Galax-niskogradnja“ d.d. Brčko. Sastavni dio odluke čini zapisnik sa otvaranja ponuda, zapisnik o pregledu i ocjeni ponuda i izvještaj o toku i završetku e-aukcije. Ponude su ocijenjene kao prihvatljive prema obliku, sadržaju i potpunosti te u pogledu načina pripreme i dostave ponuda, osim ponude ponuđača „Santovac“ d.o.o. Brčko za lotove 17 i 23 i ponuđača „Bijeljina put“ d.o.o. Bijeljina za lot 17. „Santovac“ d.o.o. Brčko nije dostavio ponudu za lot 17 po izmijenjenoj strani 113 tenderske dokumentacije, a što je bio u obavezi u skladu sa izmjenom tenderske dokumentacije od 10.8.2023. godine. Ponuda je za taj lot ocijenjena kao nepravilna. Osim toga, za lot 23 nije bila potpuna ponuda jer nije u ponudi bilo stavke 2 pripremnih radova tako da je ocijenjena kao nepravilna za lot 23. „Bijeljina put“ d.o.o. Bijeljina nije dostavio ponudu za lot 17 po izmijenjenoj strani 113 tenderske dokumentacije, a što je bio u obavezi u skladu sa izmjenom tenderske dokumentacije od 10.8.2023. godine. Ponuđači su ocijenjeni kao kvalifikovani i ponude prihvatljive osim ponude ponuđača „Santovac“ d.o.o. Brčko za lot 23. Utvrđeno je postojanje računskih greški u ponudama ponuđača „Balegem“ d.o.o. Gradačac za lot 14, „Santovac“ d.o.o. Brčko za lot 20 i „Bijeljina put“ d.o.o. Bijeljina za lot 23 za koje su pouđači „Santovac“ d.o.o. Brčko i „Balegem“ d.o.o. Gradačac dostavili saglasnost za ispravku dok ponuđač „Bijeljina put“ d.o.o. Brčko nije dao saglasnost za ispravku navodeći da je dao cijenu za sve stavke za koje je navedena količina, te da je tačan iznos njihove ponude ono što je navedeno u zapisniku sa otvaranja ponuda. Stručni članovi komisije su vršili računsku kontrolu ponuda te su predložili da se otakže postupak javne nabavke za lot 23, koji je doveo do pogrešnih, suprotnih tumačenja predmjera radova, te samim tim i grešaka u dostavljenim ponudama. Zbog loše formulisane tehničke specifikacije došlo je do zabune i pogrešnog tumačenja iste od strane ponuđača „Bijeljina put“ d.o.o. Bijeljina. U specifiakciji se, u dijelu zemljani radovi (pozicija 1) misli na ukupan iskop preko 2 m u iznosu od 1.578,96 m³ od čega se na mašinski dio odnosi 90%, tj. 1.421,06 m³, a na ručno 10 %, tj. 157,90 m³, a ne na tri pojedinačne stavke od 1.578,96 m³, 1.421,06 m³ i 157,90 m³. ponuđač „Santovac“ d.o.o. Brčko je dao ponudu samo za dvije pojedinačne stavke (mašinski dio i ručni dio) a ne i za stavku iskop preko 2m. Greška u predmjeru radova dovela je do suprotnog tumačenja predmjera od strane ponuđača „Bijeljina put“ d.o.o. Bijeljina i „Santovac“ d.o.o. Brčko te je neophodno otkazati postupak javne nabavke za Lot 21- Izgradnja kraka oborinskog kolektora u MZ Grčica – Dizdaruša. Nisu postojali elementi za sumnju u neprirodno nisku cijenu ponuda. Komisija je ustanovila da je iznos ponuda u okviru procijenjene vrijednosti nabavke osim ponude ponuđača „Balegem“ d.o.o. Gradačac za lot 14. Ponuda ponuđača „Balegem“ d.o.o. Gradačac za lot 14 je ocijenjena kao neprihvatljiva jer je došlo do smanjenja cijena u odnosu na cijene sa otvaranja ponuda. Za lotove 7,11,21 i 24 je dostavljena preporuka o poništenju postupka javne nabavke jer nije dostavljena nijedna ponuda u određenom krajnjem roku Za lot 23 je dostavljena preporuka o otkazivanju postupka javne nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Gradonačelniku,
3. Odjeljenju za javne poslove,
4. Ponuđačima,
5. Arhivi.

